



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-083 -7/25**
Datum: **28.04.2025. godina**

«Agencija za vodno područje rijeke Save» Sarajevo rješavajući po zahtjevu pravnog lica "JOMA PACKAGING" d.o.o. Kreševo za izdavanje vodne dozvole za ispuštanje tehnoloških otpadnih voda sa lokacije poslovnog objekta - pogona za brizganje - preradu plastičnih masa sa pratećim sadržajima, izgrađenim u naselju Crkvenjak 33, Kreševo, na osnovu člana 139. stav (1) Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi:**

RJEŠENJE

1. Odbija se zahtjev pravnog lica "JOMA PACKAGING" d.o.o. Kreševo za izdavanje vodne dozvole za ispuštanje tehnoloških otpadnih voda sa lokacije poslovnog objekta - pogona za brizganje - preradu plastičnih masa sa pratećim sadržajima, izgrađenim u naselju Crkvenjak 33, Kreševo, na zemljištu označenom kao k.č. 1766 K.O. Alagići, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene tehnologije proizvodnje ili namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, Investitor je dužan da pribavi vodne akte od nadležnog organa.

Obrazloženje

Pravno lice "JOMA PACKAGING" d.o.o. Kreševo je zahtjevom broj: JP-01-26/2025 od 18.02.2025. godine zatražilo izdavanje prethodne vodne saglasnosti koji je izjavom broj: JP-01-58/2025 od 07.04.2025. godine izmijenilo u zahtjev za izdavanje vodne dozvole za ispuštanje tehnoloških otpadnih voda iz pogona za brizganje - preradu plastičnih masa sa pratećim sadržajima, izgrađenim u naselju Crkvenjak 33, Kreševo, na zemljištu označenom kao k.č. 1766 K.O. Alagići.

U provedenom postupku dostavljena je i pregledana sljedeća dokumentacija:

A. Opšta dokumentacija

- Aktuelni izvod iz sudskog registra broj: 051-0-RegZ-24-001946 od 05.12.2024 godine, izdato od strane Općinskog suda u Travniku - ovjerena kopija,
- Kopija uvjerenja o poreskoj registraciji izdato od strane Kantonalnog poreznog ureda Travnik dana 09.09.2024 godine,
- Dokaz o uplaćenju upravnoj pristojbi 70 KM,
- Obavještenje o razvrstavanju poslovnog objekta prema kvalifikaciji djelatnosti broj: 07-28-5-12548/24 od 11.09.2024 godine, Srednjobosanski Kanton,
- Načelna saglasnost za priključak na vodovod i kanalizaciju broj: 343-02-24 od 01.07.2024. godine izdata od strane JKP „Kostajnica“ d.o.o. Kreševo,
- Zemljišnoknjižni izvadak broj: 049-0-NAR-25-000496 broj ZK uloška 3114 od 04.02.2025. godine izdat od strane Općinskog sda u Kiseljaku-ovjerena kopija,
- Prepis katastarsko-knjižnog uloška broj 31114 broj 06-26-33/25-203 od 17.02.2025. godine izdat od strane Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
- Kopija katastarskog plana broj 06-26-32/2024-56 od 17.02.2025. godine izdat od strane Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,

- Mišljenje o usklađenosti planiranih aktivnosti sa dokumentima prostornog uređenja broj: 06-19-2391/20 od 10.10.2022 godine Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
- Rješenje o odobrenju za građenje broj: 06-19-60/24-2 od 04.04.2024 godine Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
- Rješenje o odobrenju za upotrebu broj: 06-19-69/224-3 od 07.07.2024 godine Službe za civilnu zaštitu, urbanizam, imovinsko-pravne poslove i katastar nekretnina, Općina Kreševo,
- Akt-opis proizvodnje-brizganje plastike od strane "JOMA PACKAGING" d.o.o. Kreševo,
- Izvještaj o monitoringu i ispitivanju otpadnih voda "JOMA PACKAGING" d.o.o. Kreševo urađen od strane „HERKON“ d.o.o. Mostar, mart 2025 godine.

B. Tehnička dokumentacija

- Glavni projekat vodovoda i kanalizacije poslovnog objekta za preradu plastičnih masa sa pratećim sadržajima "JOMA PACKAGING" d.o.o. Kreševo urađen od strane HK ING d.o.o. Sarajevo, august 2023 godine kopija dostavljena elektronskim putem).

Nakon izvršenog uvida u dostavljeni zahtjev utvrđeno je da isti nije potpun te je našim aktom broj UP-1/21-1-40-083-2/25 od 28.02.2025. godine zatraženo da se izvrši dopuna dokumentacije.

Dana 03.04.2025. godine dostavljen je dio dokumentacije te je sa podnosiocem zahtjeva obavljen telefonski razgovor i tom prilikom utvrđeno je da je objekat izgrađen te da posjeduje dozvole i da radi.

Nakon naprijed navedenih činjenica podnosilac zahtjeva je upućen da postojeći zahtjev za prethodnu vodnu saglasnost izmijeniti u zahtjev za izdavanje vodne dozvole za ispuštanje tehnoloških otpadnih voda, te je postupak nastavljen.

Nakon što je utvrđeno da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-083-5/25 od 09.04.2025. godine.

Na osnovu uvida u dostavljenu dokumentaciju i izvršenog uviđaja na terenu utvrđeno je sljedeće:

Lokacija pogona za brizganje-preradu plastičnih masa sa pratećim sadržajima se nalazi u naselju Crkvenjak 33, Kreševo, na zemljištu označenom kao k.č. 1766 K.O. Alagići.

Pravno lice "JOMA PACKAGING" d.o.o. Kreševo posjeduje dozvole od nadležnih organa u kojima se vrši navedena aktivnost.

Na lokaciji se nalazi proizvodni objekat u kome se vrši aktivnosti vezane za proizvodnju plastične ambalaže za prehrambenu i farmaceutsku industriju.

Upotrebom mašina za brizganje, kalupa za brizganje i materijala za brizganje počinje proces proizvodnje plastičnih dijelova. Brizganje je jedan od procesa kojim nastaju proizvodi od plastičnih masa. Termo plastična masa u obliku granulata slobodno pada iz lijevka u grijanu komoru (cilindar).

Granulat polako napreduje duž komore pokretan klipom u obliku pužnice takozvanom šnekom i usput se topi i miješa. Rastopljena plastična masa se kroz diznu pod pritiskom brizga u kalup gdje poprima zadani oblik, hladi se i skrućuje.

Cijeli slijed događaja kod brizganja jednog komada naziva se ciklus brizganja.

Ciklus počinje zatvaranjem kalupa nakon čega slijedi postupak brizganja plastične mase u kalup.

Nakon što je kalup ispunjen stalni pritisak materijala kompenzira stiskanje materijala u kalupu omogućujući zadani oblik i dimenzije.

U sljedećem koraku šneka se povlači prema natrag da bi se pripremila doza za sljedeći ciklus.

Taj dio ciklusa naziva se doziranje, a istovremeno proizvod se hladi unutar kalupa na zadani vremenski rok nakon čega se kalup otvara i proizvod se sistemom izbacivača izbacuje iz kalupa. Tada cijeli ciklus započinje ponovo.

Zbog svega pomenutog jasno je da se za učinkovitu proizvodnju kalup za brizganje mora hladiti.

Za hlađenje kalupa i mašina koristi se tretirana voda preko chillera za hlađenje u zatvorenom sistemu koja sistemom kanala u kalupu cirkulira i tako održava željenu temperaturu u kalupu. Voda se nigdje ne ispušta, samo cirkulira kroz sistem.

Masine koje se koriste za brizganje su hidraulične, električne i kombinacija hybridne.

Otpadne vode sa platoa i manipulativnih i saobraćajnih internih površina gdje se vrši značajan promet vozila i sa parkinga prostora se prikupljaju sistemom slivnika i rešetki a potom internom kanalizacionom mrežom odvodi u separator masti i ulja te ispušta u lokalni potok Hrmza.

Snabdijevanje vodom za potrebe predmetnog objekta se vrši sa gradskog vodovoda.

U toku je postupak pribavljanja vodnog akta za snabdijevanje vodom i ispuštanje sanitarnih voda od nadležnog organa.

Skladištenje sirovina se vrši u prostoru namijenjenom za tu namjenu.

U mašinama za proizvodnju se koriste mašinka ulja koja se povremeno mijenjaju a ista ce biti zbrinuta od strane ovlaštene firme sa kojom ce podnosilac sklopiti ugovor za zbrinjavanje ulja.

Podnosilac zahtjeva je dužan da u skladu sa propisima zaštite okoliša vrši bezbjedno skladištenje i postupanje sa opasnim materijama i ostalim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom te isti predati na zbrinjavanje ovlaštenoj firmi za tu vrstu djelatnosti.

U planiranom objektu neće nastajati tehnološke otpadne vode iz procesa rada, odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama kao ni oborinskih onečišćenih voda kako je to utvrđeno odredbama članom 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20).

Na osnovu dostavljene dokumentacije i utvrđenog činjeničnog stanja, u skladu sa članom 139. stav (1), Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), pa je sukladno navedenom riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju

Rukovodilac sektora za izdavanje vodnih akata



Dostaviti:

- "JOMA PACKAGING" d.o.o. Kreševo, Crkvenjak 33, Kreševo

○ AVP Sava, ISV-vodna knjiga

- Sektor 40 – arhiva

- Oglasna ploča – AVP Sava